

# МАМАНДЫҚ ТАҢДАУ – ЖАУАПТЫ МІНДЕТ

**«Жаңа Қазақстан» идеясы халықты біріктіретін, бір мақсатқа жұмылдыратын, қоғам дамуында шешуші рөлге ие қозғаушы күш болуы керек. Жалпы қоғам мен мемлекет қарым-қатынасының жаңа жүйесі қалыптасуда. Биылғы жылдың басы еліміз үшін ауыр, сындарлы сәттермен басталғаны бәрімізге де мәлім.**

Қаңтардағы дүрбелең еліміздің тұтастығы мен тәуелсіздігіне қауіп төндірген күрделі кезең болды. Енді өткеннен сабақ алып, мұндай қайғы-қасіретке жол бермеуіміз керек. Бұл ретте, Президенттің «Жаңа Қазақстан» бастамасы еліміздің қайта жандануына, орын алған олқылықтардың орнын толтыруға, жаңаша дамуға жол ашары сөзсіз.

Жаңа әлемдегі жаңа Қазақстанда жастардың алатын рөлі ерекше, себебі алдағы уақытта тәуелсіздігіміздің тамырын тереңдетіп, Қазақстанды іргелі мемлекетке айналдыру сол жастардың қолында, яғни жауапкершілігінде. Сондықтан

жастар қауымы уақыттың кезкелген сынағына дайын болып, бәсекеге төтеп беру керек. Санауы сергек, замандық технологияларды меңгерген отанымыздың нағыз патриоттары ғана осындай сынақтардан сүрінбей өте алмақ. Бүгін елімізде жастар саясатына үлкен көңіл бөлуде. Жастар саясатына қатысты сан түрлі пікірлер мемлекеттік шеңберде, халықаралық дәрежеде талқылануы - оның қоғам өмірінде айтарлықтай маңызды орын алатынын аңғартады.

М.Әуезов атындағы Оңтүстік Қазақстан университеті ірі жоғары оқу орны, ғылым орталығы және мәдени-гуманитарлық мекеме ретінде пайда болуы, қалыптасуы және кейінгі дамуы аймақтың өндірісін күштерінің, оның экономикасының қарқынды өсуінің, соңғы он жылдықта өткен әлеуметтік және мәдени процесстердің объективті және адекваттық көрінісі.

Болашақ мамандықты жауапты таңдау бұл біздің жастарымыздың алдында тұрған үлкен мәселе. Мақта-тоқыма кластері мен тамақ өнеркәсібі үшін жоғары білікті және бәсекеге қабілетті кадрларды даярлау міндетін шешуді М.Әуезов

атындағы Оңтүстік Қазақстан университеті тоқыма және тамақ инженериясы Жоғары мектебі жүргізеді.

Азық-түлік мамандықтарын М.Әуезов атындағы Оңтүстік Қазақстан университетінде «Азық-түлік өнімдерінің технологиясы мен қауіпсіздігі» мамандандырылған кафедрасы дайындайды.

Әлемде сан алуан мамандықтар мен жұмыстар бар, бірақ әрқайсысы өзіндік ерекшелігімен қызық әрі адам өмірінде алар орны айрықша. Ең бірінші адам өмірінде мамандықты таңдауда әртүрлі факторлар ықпал етеді. Соның бірі мүмкіншіліктер мен табыс көзі болып табылады. Соңғы кездері жастар көбіне жалақысы жоғары заңгер, қаржыгер мамандықтарын таңдады, ол мамандар да қажет, бірақ аз көлемде.

Біздің өркендеуші елімізге техника саласын дамытатын мамандар қажет. Сондықтан мемлекет тарапынан осы тағам өндірісіне жыл сайын грант санын көптеп бөлуде. Сол үшін мамандық таңдауда оның өзекті сұранысына көңіл аудару қажет.

Қазіргі уақытта «Азық-түлік өнімдерінің технологиясы мен

қауіпсіздігі» кафедра төрт мамандық бойынша мамандар дайындайды: сүт және сүт өнімдерінің технологиясы; ет және ет өнімдерінің технологиясы; азық-түлік өнімдерінің технологиясы және шағын және орта бизнес кәсіпорындарында тамақтануды ұйымдастыру; майлар мен өсімдік майларының технологиясы. Тамақ өнеркәсібінің технология-бакалавр белгілі бір тамақ өнімдерін өндіру процесін технологиямен, әзірлеумен, ұйымдастырумен айналысады, шикізатты таңдаудан бастап дайын өнімді буып-түюге дейінгі азық-түлік өнімдерінің қауіпсіздігі мен сапасына жауап береді.

**М.ӘБІЩЕВ,**  
**М.Әуезов атындағы ОҚУ-**  
**«Азық-түлік өнімдерінің технологиясы және қауіпсіздігі» кафедрасының доценті,**

**Ж. КАЛДЫБЕКОВА,**  
**қауымдастырылған профессоры,**

**Г. КОШТАЕВА,**  
**оқытушы**